

7 9297/0446

25

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938





群書考索卷十七



山堂先生章俊卿編輯
木石山人劉私教撰述

官制門

職田類

古者有卿以下必有圭田圭田五十畝故王制曰公田籍而不稅夫圭田無征是也

政異按周制三等來地既以為公大夫之祿孟子所謂下士以上皆

有祿以代耕今之卿已下必有圭田圭田五十畝然則分田亦得古

法矣抑周制來地之民一以井田之法授田於公而公卿大夫食其

賦以為祿初不以為私為也

通典曰秦漢之間其制不詳至

晉公卿各有菜田



群書考索卷十七



後集

山堂先生章俊卿編輯
木石山人劉弘毅校正

○官制門

職田類



古者自鄉以下必有圭田圭田五十畝故王制曰公田籍而不稅夫圭田無征是也

攷異按周制三等采地既以為公大夫之祿孟子所謂下士以上皆有祿以代耕今之鄉已下必有圭田圭田五十畝然則分田亦得古法矣抑周制采地之民一以井田之法授田於公而公鄉大夫食其賦以為祿初不以為私屬也

通典曰秦漢之間其制不詳至

晉公卿各有菜田

後魏孝文太和五年州刺史郡太守并官節級給公田

隋文帝開皇中罷公廨錢收息公卿以下內外官給職分田一品五頃至五品則為三頃其下每以五十畝為差又給公廨田以供用

唐凡京諸司各有公廨田自司農寺而下其給頃畝有差諸州及都護府職分之田亦有等級其載於通典者尚截然而可考也

武德元年自王公以下皆有末業田親王一品六十頃至從五品五頃其數有差自上柱國三十頃至文武騎尉六十畝其數又有差此傳子孫不在收授之限也凡京諸司各有公廨田而自司農寺二十六頃至率更府各二頃所給有差外而自大都督府四十頃至中戊下戊各一頃亦各有差諸京官文武職事各有職分田一品十二頃二品十頃三品九頃四品七頃五品六頃六品四頃七品三頃五頃八品二頃五十畝九品二頃並在京城百里內給百里內地少欲外給者亦聽之諸州及都督府親王府官人職分之田亦各有差二品十二頃三品十頃四品八頃五品七頃六品五頃七品四頃八

品三頃九品二頃五十畝諸職分陸田限三月三十日稻田限四月三十日以前上者並入後人以後上者入前人其麥用田以九月三十日為限各前人自耕不種後人酬其功直已自種者準租分法凡給田而無地者畝給粟二斗

太宗正觀十二年以職田侵漁百姓詔給逃還貧戶視職田多少每畝給粟二升謂之地子是歲以水旱復罷之

正觀十八年以京兆府峽岐同華邠坊等州隙地陂澤堪可墾者復京官職田

元宗開元十年正月內外官職田除公廨田園外並官收先給逃還戶

及貧下戶先次丁田中書舍人張嘉正奏至六月二十六日勅所置職田本非古法度自近制是以因循事有變通應湏刪改其內外官所給

職田子從今年九月以後並宜停給

開元十三年內京官職田

開元十八年三月內京官職田特令準令給受

開元十九年四月勅天下諸州縣并府鎮戍官等職田四至頃畝造帳申省仍依元租價對定六斗已下者依舊定已上者不得六斗會要。地不毛者畝給二斗唐志

開元二十九年二月七日勅外官職田委所司準列倉中受納畢一時分付縣官亦準此會要。其年以京畿地狹計丁給田猶不足於是分諸司官在都者給職田於都畿以京師地給貧民是特河南北職田兼稅桑有詔公解職田有桑者毋督絲課

天寶十二載國忠以兩京文武職田送租勞民請五十里外輸于縣倉斗納直二錢百里外納直三錢使百官就請于縣然縣吏欺盜蓋多而閑司有不能自直者唐志

肅宗乾元元年亦給外官半料及職田京官給手力課而已唐志。上元元年復令京官職田以時輸送受加耗者以枉法賊論其後籍以為軍糧矣唐志

代宗大曆二年復給京兆府及畿縣官職田以三之一供軍饌唐志

大曆三年九月十七日京官職田三分給二餘一分充軍料唐志

大曆十二年十二月勅京諸司缺官職田苗子自今以後宜並充脩當司解字雜用其草準處分仍令分司監察御史勾當會要

大曆十四年八月勅内外文武官職田及公解職田準式州縣每年六月三十日勘造白簿申省以諸司文解勘會至十月三十日收徵給付本官近來不守常規多不申報給付之際先付清望要官其閑慢卑官即被延引不付自今已後準式各令送付本官又準式職田黃籍每三年一造自天寶九載以後更不造籍宜各委州縣每年差專知官巡覆仍造簿依限申送所司不得隱漏及妄破蒿荒如有違犯專知官先用闕本典準法科罪會要

德宗正元元年十一月詔文武常參官宜共賜錢七萬貫文委度支據

班秩所損職田多少量等給從今至明年四月以來隨月支給會要

正元四年八月勅準田令永業田職事官從一品郡王各五十頃國公

若職官正二品各四十頃郡公若職事官從二品各三十頃縣公若職

事官從三品各二十項侯若職事官正四品各十四項若職事官從四品各十一項會要

正元十一年八月屯田奏諸州府送納内外文武官職田及公廨田四至白簿等前件簿書準天寶十四載八月十三日敕每年六月十三日勘造申省如違本判官牒吏部先用闕本典準法科處者伏以地段佃戶並無改移隨年造簿實有勞費今請令諸州府及畿内縣三年一送違限者準敕科處敕旨每年造簿事乃近煩三年一申又為太簡如外官並須勘造切慮因此擾人宜令應管京官職田等州府所造文簿二年一送其餘依舊會要

憲宗元和六年八月戶部侍郎李絳奏諸州缺官職田祿米及見任官袖一分職田請所在收貯以備水旱賑貸從之會要。其年敕百官職田其數甚廣今源潦水諸處道路不通宜令所在貯納充度支支用百官却令據數於太倉請受會要

元和十二年八月京兆尹竇易直請改職田並入兩稅地事竟不行會要

。十三年二月詔百司職田多少不均為弊日久宜令每司各收職田草粟等數自長官已下據多少作等差除留關官物外分給會要。十四年三月屯田奏左右神策中尉準令式二品官合受田一十頃請取京兆府折衝府院戎場梁埒公廨等地七十七頃二十六畝八分數内取二十頃充前件官職田依奏會要。其年四月勅京畿二十二縣欠元和十四年京百司職田二十二萬九千二百石東貫等京畿百姓聞甚難貧須差撥運軍糧今又脩營陵寢雖應緣駟役皆給價錢而屢有役名頗妨農畝豈可更徵懸欠重使憂愁其所欠並宜蠲免其受納所欠職田或見任官班各請厚俸或近終考秩稍有餘資宜體朕懷以寬人力會要

文宗太和五年戶部侍郎庾敬休奏兩川米價騰踴百姓流亡請以闕官職田祿米以救貧民從之會要

武宗會昌六年十月十四日京兆府奏諸縣徵納京百司官夏秋職田斛斗等望從今後却準會昌五年前舊制上司官斛斗勒人戶便自送納所冀輸納簡便百官各得本分職田縣司所無隱欺勅旨從之會要

宣宗大中元年十月屯田奏應內外官請職田時月已準令式為定然
每遇閏月交替者即牒訴紛紜令式之中又不該說公田給用須用準
程今後望請如交替者有閏即以五十日為定式十五日已前上者入
後人已後上者入前人從之會要。三年九月勅秦州刺史并秦城兩州
經畧使天雄軍使職田夏小麥共八十石秋粟一百二十石原州威州
刺史職田夏小麥各二十三石秋粟各六十六石七斗會要
宋朝真宗咸平二年欲給職田詔議臣定制杜鎬曰職田廢於五代昭
於聖朝而計司以出納之名遂有輸稅之議臣歷尋故事應充州吏職
並無稅許長吏以下募人墾闢所得課租均分以鄉原之例準令以一
年造簿替日遞相交付不得私以贖賣自是始給內外京職田復定官
主諸路職田共一千四百頃以此田均濟官吏欲人各足用責其清謹
時御史王岳請以天下職田輸官少助振借不從

祥符八年馬亮言切見天下度官職田過為優厚請三二間權住支給
聊助經費臣今歲所得米麥四百二十餘石已牒本府納官詔獎之

祥符九年七月丙寅詔曰職田彝制品秩定規蓋優待於庶官且勞益
於稍食夫厚祿食者蓋欲聳其廉節務稼穡者亦在利於貧民佇介潔
之治聞必甄揚而明陟而州縣之職慈愛靡聞閔恤人勞且違田制開
汗之始奪農力以多求歛熟之時峻公文而奄取無水旱蠲除之惠無
鄉原賑恤之恩有一于茲動輿訟訴沮傷和氣深敗素風各宜革心用
叶求治自今天下群官職田並須遵守元制無擾客戶遇災沴即蠲省
之大詔

仁宗朝唐肅嘗知洪州舩舟南康不即赴或問之肅曰職田以四月為
限今遽往得無赴利之譏乎踰月乃上

天聖二年祕書丞韓琚言今後闕官職田如正官到任該得勅限給與
正官或不該者盡收入官更不給與管勾者上從之

天聖中上封事者請廢天下職田以收斂之際多量以害人屢政訟言
故耳晏殊與三司皆議罷上以為不可於是詔天下職田所納類聚申
三司三司紐定價錢均給諸道見任人

天聖七年夏元獻公奏曰朝廷置職田蓋欲稍資俸給其官吏不務至公以差遣徇私僥倖者極衆屢致訟言上煩聽覽欲乞陳罷時可其奏但令佃戶逐年收課利類聚天下都數紐價均散晏公文七年內降上封者言乞天下停廢職田勅應天下職田宜依所奏停罷其見佃戶逐年分課利並納入官仰諸道州府軍監每年各具夏秋納到石斛時估價例申三司類聚天下都收數目紐成價錢均給與諸道州府軍監見任官員其均等第及今行條約令三司奏聞會要

天聖七年八月丁亥詔曰洪惟先聖勤郵廢工謂稟給之稍豐則潔廉之易守矣稽故實並賜公田歲月寢深侵牟滋長間從起獄反以害人重念釐務之臣固多秉節之士苟例停於租入將曷勸於官勤歛而均之孰曰不足其罷天下職田悉以歲入租送官具數上三司以所在時旣定價例而均給之仍委三司別行約束以聞大詔

天聖九年正月癸巳詔曰天下吏給職田所以惠養廉節也而貪汚之人並緣為私浸漁細民滋以為害比詔有司皆從停罷如聞勤事之吏

祿薄不足以自養朕甚閔焉職田即無得多占佃戶及無田而配出租違者以枉法論大詔

慶曆三年詔限職田大藩長長吏二十頃通判十頃判官五頃幕職官四頃凡節鎮長吏十五頃通判七頃判官四頃幕職官三頃五十畝凡防團以下州軍長吏十頃通判六頃判官三頃五十畝幕職官二頃凡縣令萬戶以上六頃五千戶以上五頃不滿五千戶並四頃自此人有定制士有所限焉會要

神宗熙寧中又以四川職田歲收子利稻麥絲麻竹等物隨處不同遂詔中丞延誨知雜劉述均定乃計實紐作稻麥一色每斗中價自有二千而梓利夔三路數少均錢不足止到成都一路以高下均給之

元豐以後復熙河等路以其地給弓箭手而郡縣官職田每頃歲給錢鈔十千

哲宗元祐中復推廣神宗均定四川遺意以限月之法變而均給焉元符新勅又變限月而貪冒者或窮一日之力以赴期會

徽宗初杜子充請復元祐均給之法以養廉吏從之初晉州守臣李君卿以所取職田諭意屬邑令增租入此舊數倍後襄陵縣令周政力陳其弊郡守時彥歲減十七八佃戶始脫苛歛之苦而晉絳陝三州圭腴素享守臣多苛法易其種子或遣子弟監獲倉汙猥賤無所不有建中靖國初知延安范純粹乞令監司究治改正從之

大觀四年言者謂祖宗之制以提點刑獄官察所部職田故嘗給以圭租度不同其利而公行之也近歲提點刑獄官所受圭租同於他司而檢法官亦視其長乃詔依舊法

政和未言者又謂天下圭租多寡不均縣令所得多至九百斛如階州之高苑八百斛如常州之江陰自是而降或四五百或二三百閩廣有自來無圭租處遂詔繫令職田未有及格者從令標撥

宣和元年詔諸路州繫違法抑都保正長及上戶虛認職田租者以違詔論檢傷不盡者計則以枉法論入己者以自盜論

高宗紹興二十七年臣僚言凡官吏之祿米輒加耗及任官以職田未

高價抑市戶出糶者許人戶越訴並計贓利罪

孝宗初詔職田米輒取折納見錢者並計贓坐罪其為防禁之請嚴矣

任子

古者有世賞無世官蓋賞可世也官不可世也。舜命夔典樂教胄子

皋陶稱舜曰賞延于世是舜之時有世賞而未有世官也。周武王泰

誓始有官人以世之說而周文王治岐仕者世祿子孟而周官教國子之

法詳焉師氏以三德至德敏德三行孝行文行教國子主養國子以道教之

六藝五禮六樂五射五御六書九數六儀祭禮賓客朝廷喪紀車馬王

子禮樂掌成均之法合國之子弟以樂德中和祗庸孝友樂語興道諷

誦言語樂舞雲門大卷大咸大磬大夏大濩大武教國子諸子掌國子

之遊深使之備德學道春合諸學秋合諸射以攷其藝而進退之康王

戒畢公曰世祿之家鮮克由禮以蕩陵德實悖天道周衰仲尼歎曰大

人世及以為禮。春秋臨三年書尹氏宣十年書崔氏譏世卿也成五

年書伊叔之子來聘而公羊以為譏父老子代也。其後高國之侵齊

孫寤之專衛六卿盛而分晉三家強而擅魯而遂有世家僭竊之禍。漢興諸侯皆以嫡子襲爵而漢襲勝免策曰其上子若孫同產若同產子一人各除為即是漢法唯得任其子若孫同產若子而已漢儀云二千石以上親事滿三歲得任子弟擇其茂庶者也補令丞九卿得任子弟為卿劉向以父任為即以行備飾遷諫大夫是漢法既任而復有所決擇此當法之善也任子之名亦不一有任為太子洗馬者及黜有任為太子庶子者蕭育有任為太子舍人者董賢有任為右校丞者辛慶忌有任為郎者蘇武有任為侍中中即將者于永至宣帝時王吉上疏曰今俗吏得任子弟亦多驕傲不通古今宜明選求賢除任子之令及哀帝始除任子。晉之季年專稱閥自是三公之子傲九棘之家黃散之孫茂分長之室論門戶而不議賢能惜哉。後漢立九品中正之法而上品無寒門下品無世族迨乎。唐而任子之法益詳矣禮部簡試太廟齋即以五品已上子孫及六品職事并清官子為之郊社齋即以六品職事官子為之文資也皆讀經粗通釋儀狀端正者兵部簡試千牛備身

及太子千牛武資也補親衛勳衛翊衛者皆五品已上之子若孫也劉祥道以襲爵歷御史中丞李德裕以蔭補校書郎裴行儉亦以蔭補弘文生此任子之得人也馬周嘗言今不肖襲爵嗣職則兆庶被殃魏文同言貴戚子弟一皆早仕弘文崇賢千牛輦脚之類技能薄而能闕高請裁諸從沈既濟論四太之弊亦曰世胄之家太優此任子之失也會昌以後公卿子弟朋比貴好益妨平進之路矣於是武宗決意黜之李德裕以無名弟為宰相甚欲扶持主張不免深疾進士曰朝廷顯官須公卿子弟為之大抵唐之末造也在止於同產若子者漢法也在止於子若孫者唐法也文武蔭補之制自後唐天成三年疑和奏齋即歲以三十人為限同光二年奏千牛左右仗各六員歲以十二員為限至宋乾德元年詔減每歲奏補千牛齋郎之類歲凡補二十五員建隆初歲制禮部補齋郎兵部補進馬以三事覆試之曰身曰年曰通書官而不實主者坐之故奚璣王貽孫坐補進馬失實而貶官趙元拱高元緒坐補齋郎失實而貶官是也年辰共維藝祖初定任子之法蓋省六品諸

司五品必嘗登朝歷兩任然後得請不請者則不補矣。太宗淳化始因
改元恩需文班中書舍人武班大將軍以上並許蔭補如遇轉品即許
更蔭一子而奏薦之廣自此始至道二年始有壽寧節推恩之令則聖
節奏薦自此為列真宗大中祥符元年始有東封禮畢推恩之令則郊
徑奏薦自此為列前朝患之累常裁定聖節奏薦自嘉祐元年罷今唯
郊禋如故至于致仕遺表之恩凡予之皆特典也而後亦為定制至于
熙寧始裁定諸衛將軍諸司副使累奏不得過二人非任路分都監差
遣即須入仕三十年方聽奏薦而限年限員之法立。宣和四年中大夫
至帶職朝奉郎入官十五年諸衛大將軍武功至武翼大夫入官二十
年宣和四年勅內侍郎官武功大夫至武翼郎累奏不得過二人肆于
孝宗法度益嚴。淳熙九年更務裁抑始立遠郊蔭補恩澤止數宰相
十人開府儀同三司以上同執政八人侍從六人觀察使至節度使侍
御史同中散大夫至中大夫右武大夫至通侍大夫同帶職朝奉郎朝
議大夫三人武翼大夫至武功大夫同致仕遺表恩澤文臣見任宰相

八人舊十二人曾任宰相七人舊十一人見任執政六人舊九曾任執
政謂帶職者五人舊七在內侍從在外待制以上或不帶職大中大夫以上
二人舊三無遺表止得致仕者侍御史舊二中散中奉至中大夫舊二
朝奉郎至朝議大夫一人武臣見任使相七人舊七曾任使相六名舊八
人見任執政太尉謂許依執政官例者六名舊八曾任執政節度使五人舊七諸
衛上將軍至承宣使四人舊五觀察使二人舊四通侍大夫二人舊四
正侍至右武大夫舊二諸衛大將軍武功至武翼大夫舊一符以
後始有郊祀大禮太祖太宗朝無有也韓令贊以節度使卒劉蟠以諫
致仕遺表之例。議大夫卒皆以特恩官其子胡旦父歷侍從以目疾致仕為子求官謹
得試銜是無遺表致仕之例也王超入為殿帥出歷四鎮建鉞乘旄垂
二十年而身歿之後其子德用始以天平軍牙校補官是三衙方鎮亦
無奏蔭之法矣魏成信以都尉建節時謂於朝始官其子是公主亦無
奏蔭之法矣趙普侯命元勳父居將相之任未嘗為子求官太祖亦不
行延賞之典他日特授承昭為六宅使已為厚恩矣。以上周禮通典

再考宋朝任子

太祖建隆開寶猶循古制宰相止賜一子官故沈倫盧多遜子並為水部員外郎參知政事樞密副使之子或為供奉官。未嘗言資蔭子弟但能在家彈琵琶弄絲竹豈能得治官於是不許親民讀。建隆四年詔尚書禮部所補大廟齋即自今每歲齋即以十五人為額其蔭補人並須年貌合格試念書精熟如經試引驗不合元敕其本司官並富賤降于半進馬亦同每年所補各減二員。乾德五年虞部郎中趙元拱國子監奏延緒坐試齋即念經不實皆責授二年周易博士吳嶼坐試進馬不實責降舊制臺省六品諸司五品已上官皆得補蔭進馬歲兵部試念經籍熟者中選齋即亦然試於禮部至是陶穀子郛求補殿中省進馬而所試令未精穀知私請於嶼即以郛合格聚問事發案之故有是命穀亦奪兩月俸會要

太宗至道二年詔自五品以上任子不得復權大祝悉令同學究出身

依例選集先是帝謂宰相曰膏粱之族官勲已崇貴子孫仕宦者多至四五人每覃慶中多授以稱官未幾即授止員不十數年半至闕籍此其弊政亟宜革之故有是詔。尚書禮部補齋即兵部補千牛進馬挽即遇山林則補之也會要。

真宗咸平四年校書郎張褒言文武臣僚蔭補子孫致於王事親屬授官者滋事不學動成過咎持祿自滿豈知民情欲望自今並令先具所習文武書計事業差官考試隨其所長量才任使若無可采者乞授散官且令習業假有所立許上書求試攷較中程即與等第差遣仍詔樞密直學士馮拯陳堯叟同詳定聞奏拯言准禮部令式所補齋即須兩經粗通文義令奏補多是不經考試便授京秩州縣官及諸色出身若依式求文義粗通然後補署又慮難頻改更欲望自今文武臣僚奏補及歿於王事子孫骨肉內京官候至求差遣時審官院官員親寫家狀仍令讀一經家狀取書札稍堪讀書取精熟無設者方為合格依例且與監當若在任別無贓罪顯有勞績候得替許與事狀進呈取旨其直

授州縣官等委銓司依此攷試候合格方得給養符曆子發遣赴任得
出身人至參選日亦依此施行不合格者並敷一選本官且令習學候
次年依此再行考試。**咸平**五年詔自来臣僚並奏異姓召門客或除
簿尉賜出身今並罷之會要。**大中**祥符二年詔明資求差遣者當於國

學習書以二年為陽仍令審官院判監次考試訖以名聞實錄。**乾興**元
年翰林學士李維晏殊等言切自至道中

太宗三年時宋白梁周翰各奏姪男充求定陵挽即臣維有外甥王諫
臣殊有堂弟詢欲望充求定陵挽即上從之會要

仁宗天聖九年王竦等挽即注官如齋即例會要。**慶曆**三年九月開天
章閣責治范仲淹富弼有曰自

真宗皇帝以太平之樂與臣下共慶恩漸廣大而任子孫法弊冗濫日
增請罷少司監以上乾元節恩澤正即以下軍監司邊任須在職二年

始得蔭子弟大臣不得薦子弟在館閣編。十一月丁亥詔周太司樂
掌學政以六藝教國子則官材蓋本於出胄而今之蔭法推恩太廣以

致陳宗蒙澤推齒後官未知立身之道從政之方而並階仕進非所以

審政重民也其著為令使夫家嗣先錄以為為後之體支子限年以明

入官之重設考課之格立保任之條不云乎守祿者天下之砥石人

君所以礪世而磨鈍咨爾度位體茲意焉自是任子之恩殺矣然猶未

大艾也同。八年九月己未殺中侍御史何郊言近年大臣罷兩府任

便陳乞子弟多試充館職或出身用為恩例望自今後館閣不許臣僚

陳乞子弟外其陳乞及奏舉人同試以塞私倖詔今後臣僚奏子弟姪
等乞出身及館職如有合該恩例者送學士院精加考試候點到等第

臨時取旨。**至和**二年諫官李東之言往年減省蔭補近臣但於服屬
疎遠者舉行數事而已使天下議論不厭伏大凡立法自貴始則人無
怨心請先自嬪御宗室兩府大臣以至帶職員外諸司副使內臣之家
一切裁損於是詔兩制臺諫定議以聞編。**嘉祐**元年初龍圖直閣學
士李東之請定選舉補蔭之法知諫院范鎮侍御史毋浞翰林學士承
旨孫抃等亦更進其言自是每歲減入流者無慮三百負長御史李絃

言此奏為親屬無親疎之禁因得以冒為奸諫議大夫趙相以孫為子
取為高蔭自非具陳朝廷曷究其弊止乃詔自今奏薦子弟皆言服紀
親疎即不奏無服之親。嘉祐五年以內外官凡令臺諫六品諸司五
品一郊而任一人者曾為兩府兩制以上一歲而任一人增為三歲編
神宗熙寧元年八月初御史張唐英乞兩府兩制奏第姪並受職官大
卿監亦罷奏子京官諫官吳申乞內自右妃外自宰相並權罷奏薦十
年致仕遺表許奏一人兩府奏子孫終身無過五人兩制三人卿監二
人即中一人即官員外郎龐元英乞諸司副使帶提點刑獄及閣門都
事合人北帶職員外郎兩遇郊任子其餘悉罷諫官吳克乞裁定妃嬪
外戚遇聖節奏親屬恩數詔兩制同定編。學士承旨王珪等議乞宰
相使相奏再從弟姪並與試術大卿監遇郊奏子一人初等職官小卿
監兩遇郊奏一人待制觀察使以上三遇郊奏異姓一人諸妃每遇同
天節郊禮奏一人縣主每遇郊奏子一人歸司副使兩遇郊奏一人並
從之

哲宗元祐元年八月右司諫蘇轍言臣伏見神宗舊法凡蔭補子弟皆
限二十五歲然後出官守選恩乃得注官從米又遠習以為常先朝
慮天下官吏不習法令欲誘之讀法乃令蔭補子弟不復限二十五歲
出官許令試法通者注官自是天下官吏爭誦律令於事不為無益然
人既習法則試無不中故蔭補者例減五年遂令吏部員多闕少差注
不行臣愚以為宜復之祖宗守選之舊而選滿之日兼行先朝諸侯之
科此亦今日之便也編。十一月右司諫王覲言臣伏見給率左右司
郎官等準朝旨用度裁減入流人數臣切見文臣與武臣任子之法殊
有未均文臣承議即班列既在武臣諸司副使之上而諸司副使品常
調今得任子承議即以上至朝請即非帶職者皆不得任子以品秩言
之武臣親文臣若皆常調雖諸司使猶未可以任子也况副使哉蓋前
日諸司副使負少任子不多而入流之人未冗也惟恩稍廣無所不可
今副使員多任子者衆而入流之人冗甚則理當比類文臣重別立法
伏望聖慈指揮下有司與前項裁減入流事一處相度施行編

孝宗淳熙七年臣僚劄子乞明詔有司將銓試終場合取人數令本經
及法律試官各取其半本經取者以法律兼場法律取者以本經為兼
場庶幾不廢舊規任子益加勉焉報。淳熙九年臣僚乞自今以於文
臣員即武臣副使終身止得任一子員即不許於貼職副使不許於隔
郊自正郎正使以上其再遇大禮者則增至于三隔郊者則展至于再
非待從則無遺表自待從以上其生前曾經奏薦者於致仕遺表皆損
於在格之半仍以品秩之崇卑立為員額之定數若一品則通許蔭補
幾人而止秩而下之各為限額報
再論任子得人

漢汲黯自衛君十世為卿黯以父任為郎為太子洗馬後仕武帝諫諍
剛直義形于色張安世以父任為郎上亡書二篋詔問莫能知惟安世
識之後定策立宣帝金日磾世名忠孝七世內侍

東漢楊靈至處四世大尉德業相繼

唐肅瑀至遇八葉宰相名德相望與唐盛衰張嘉正至洪靖三世宰相

李德裕補蔭校書郎深嫉進士因曰朝廷顯官須公卿子弟為之何者
少習其業自熟朝廷事臺閣之儀不教而自成子弟未易可輕德裕之

論偏異並本傳

宋朝韓維忠憲公億之子以蔭補將作監簿後為門下侍郎范純仁文
正公次子以恩授太常寺太祝後中進士第元祐中兼中書侍郎曹緯
彬之子以父任西頭供奉官為將四十年用兵未嘗一血种世衛放之
兄子以蔭補將作監簿為將有智畧用間精密素得屬羞心復定和戎
之策並言行錄

大臣不求任子

宋太祖時趙普為相及歷三鎮節度未嘗為子求官太宗特授六宅使
寶。呂家正三八中書未嘗為姻戚微寵澤從簡書奏補之制宰相奏

子起家即授水部員外郎加朝階公奏曰臣昔忝甲科及第釋褐止授
六品京官况天下才能老於巖穴不能膏寸祿者無限今從簡始離襁
褓一物不能知膺此寵命恐罹陰譴止乞以臣釋褐所授官補之自此

群書考索卷十七

畢

後集

群書考索卷十八

後集

山堂先生章俊卿編輯

建陽知縣區玉刊行

縣丞管韶校正

○官制門

設官沿革類

設官沿革器舉崇著者其於掌部之官長雜品秩下者亦附出焉

黃帝六相為之輔相不必名官少皞時司徒前漢嘗加大○司馬項羽

加大漢以後曰大○司空前漢加大改御史大夫為之○司寇後周有

大司寇卿唐堯有十六相義仲義叔和仲和叔州牧虞太師太保納言

隋及大唐嘗改侍中為之后稷秩宗士共工夏六卿商太宰晉宋齊梁

陳改太師為之○太宗太史太祝太士太卜司士司土司木司水司草

司器司貨太子太師太子太保太子太傅太子少傅方伯周太傅少師

少保冢宰後周加大○宗伯後周加大○內史秦有內史理京師有諸

郡守漢分為左右又置京兆尹左馮翊代之後周有內史中大夫隋改中書為內史監今大唐亦嘗以中書為內史焉。大僕正至漢為大僕梁為卿大唐為司馭卿又嘗為司僕卿。前後左右將軍周末置。大將軍自戰國時楚置秦太尉丞相。丞相皆左右後周加大。相國侍中本丞相史隋改為納言又改為侍內大唐嘗為納言或為左相或為黃門監。黃門侍郎後周納言下大夫唐為東臺侍郎又為鸞臺侍郎又改為門下侍郎。散騎常侍魏加侍郎又加員外加通直大唐分為左右。尚書令僕射本少府吏以五人在殿中主發書其一人為僕射漢為左右大唐嘗改為左右國政或為左右丞相武太后嘗改為文昌左右相。尚書本少府吏四人謂之尚書至漢分曹掌事後漢為五曹晉為六曹。尚書丞至漢置四人後漢光武減二人為左右丞大唐嘗為左右肅機。御史大夫大唐常為大司憲武太后又嘗改為肅政又分為左右。奉常漢改曰太常後曰奉常又改為太常後漢為奉常自後為太常梁謂之卿大唐嘗為奉常卿又嘗為司禮卿。即中令漢為

光祿勳後漢為郎中令魏為光祿勳梁除勳字謂之卿大唐嘗為司奉卿又嘗為司膳卿又為光祿卿衛尉漢嘗為中大夫令至魏謂之卿至大唐嘗為司衛卿。宗正漢嘗改為宗伯至大唐嘗為司宗卿又嘗為司屬卿。理國諱改之粟內史漢改為大農令又改曰大司農後漢末為大農魏為司農至梁謂之卿後魏又加大大唐嘗為司稼卿又為司農卿。主爵中尉漢以右扶風代之。廷尉二漢梁北齊嘗為大理梁謂之卿餘代曰廷尉大唐嘗為詳刑卿又為大理卿。典客漢改為大鴻臚又嘗曰大行至梁除大字謂之卿至大唐為司文卿又嘗為司賓卿又為鴻臚卿。典屬國少府至梁謂之卿大唐嘗為內府監亦嘗為尚方監又為少府監。將作少監漢改為大匠梁為大匠卿隋將作大監又改為大匠大唐亦嘗為大匠又嘗為繕理監又嘗為營繕監又為將作監。中尉漢武更名執金吾。中書謂者今僕射至漢嘗以宦者為之魏為中書監令專掌機務隋為內史監令尋改為內史令又改為內書又為內史令大唐復為中書令嘗為右相又為內史又為紫微令

○詹事大唐嘗改為端尹又嘗改為宮尹少詹事並為少尹○中庶子
廢子○晉改庶子為左右○隋罷中○大唐嘗為左右中護○太子家令○大唐
嘗為宮府大夫○率更令○大唐嘗為司更大夫○僕○大唐嘗為馭僕大
夫○內史理京師○漢為左右又置京兆尹左馮翊代之○郡守○漢改為
太守○後魏每郡置三太守○隋置通守○魏改二守○隋改通守並佐貳○太
中大夫○漢領尚書事○後漢為錄尚書事○大唐並為文散官○三公曹
尚書○後漢改二千石曹掌中都官水火盜賊詞訟罪青亦謂之賊曹○晉
曰三公掌刑獄○齊為都官○隋為刑部○大唐嘗為司刑太常伯又嘗為秋
官又改為憲部○又改為刑部○客曹尚書常侍曹尚書○後漢改為吏曹
主選舉○又為選部○魏為吏部○宋置兩員○又○大唐嘗改為司列太常伯○又
為大官○中書侍郎○東晉嘗為通事郎○隋為內史侍郎○又為中書侍郎
又為○中書侍郎○又為西臺侍郎○又為中書侍郎○又為鳳閣侍郎○又為
大唐為內史侍郎○又為御史中丞○後魏曰中尉○大唐改侍書侍御史為之○嘗為司
憲大夫○光祿大夫優寵者則加銀章青綬○至○魏○晉則有金章紫綬○齊

嘗署左右至隋為散官○中散大夫○王莽置○大唐為文散官○太皇太
后卿長信少府○太后以下卿以至於陳自後魏無○皇太后卿長樂
少府皇后卿大長狄○隋有令○大唐改為內史○中常侍○大唐為內常侍
都水使者○至○宋嘗為水衡令○梁曰大舟卿○隋嘗為都水監○大唐嘗為
司津監○又嘗為水衡都尉○駢駢○後漢加大夫○唐為武散官○游擊大
唐為武散官○衛車騎驍騎○梁置左右○伏波上騎材官輕車樓船橫
海護軍○大唐為勳官○渡遼貳師蒲類破羌強弩戈船奮威建威積射等
將軍奉車騎駙馬等都尉○至○梁尚主者為○司隸校尉督察三輔○隋
有司隸大夫○唐京畿採訪使亦其職○刺史刺理郡縣○至○隋理人○都
護京兆尹○左馮翊右扶風特進○大唐為文散○諸加官謂左右曹諸吏
散騎中常侍○侍中給事中○也○後漢尚書侍郎三十六人○初稱尚書
郎中○滿歲稱尚書郎○三歲稱侍郎○五歲遷大縣令○魏有尚書郎○晉又有
郎中○隋初置三十六侍郎○後置員外郎一人○後又六曹各置侍郎○每曹
有郎有員外郎○大唐改曹郎為郎中○秘書監後又置令○大唐嘗為蘭

臺太史少監為侍郎又嘗為靈臺。武衛隋置左右。大唐為左右鷹揚衛。輔國晉加大宋改為輔師。大唐為武散官。四征四鎮四安武才征虜橫野鷹揚討逆破虜等將軍。四中郎將都督。晉加大。河南尹留守班同三司。前漢文帝以宋昌為衛將軍。亞三司未為官也。魏有開府儀同三司。晉八加開府儀同三司。後魏有儀同三司。北齊有開府將軍。至隋為散官。又諸衛各置開府一人矣。八座魏五兵尚書。至後魏有七兵尚書。隋曰兵部。唐嘗為司戎太常伯。或為夏官。或為武部。或為兵部。度支尚書。晉有戶部。晉以後為度支。至隋為人部。唐嘗為度支。又為司元太常伯。又為戶部。祠部曹尚書。至後魏有儀曹。後周有禮部。隋置禮部尚書。唐為司禮太常伯。或為春官。又為禮部。殿中監秩甚卑。隋曰殿內監。唐嘗為中御府太監。中衛晉分為左右衛將軍。隋改為左右翊衛。唐復為左右衛。中領軍。尋改曰領軍。隋改為左右屯衛。唐嘗為左右戎衛。又嘗為左右玉鈐衛。又為左右領軍。鎮軍大冠。

軍游騎並唐為武散官。四平鎮北武威國諱改焉。撫軍陵江寧朔等將軍行臺權置僕射尚書等官號以總外事也。晉起部尚書有事即置事畢。即省唐嘗為司平太常伯。又為工部。國子祭酒。唯宋曰總明觀祭酒。唐嘗為大司成。又為成均祭酒。中軍龍驤寧遠唐為武。宋殿中將軍。梁太府卿。唐嘗為外府卿。又嘗為司府卿。始以常寺名卿分為四時九十二卿。雲麾忠武壯武明威定遠等將軍。唐並為武散。宇宙大將軍。後魏柱國。大唐為勳官。天柱二大將軍。諸少卿。後周軍器監。隋叅掌機密守掌朝。改並宰相之任。左右武侯府大將軍。唐為金吾衛。左右監門府將軍。唐改府為衛。大總管通守折衝府正議朝議朝請朝散等大夫。唐並為文散官。左右驍衛府。唐除府字。大唐太子賓客。漢之四皓非官也。左右千牛衛。左右屯營。後改為羽林軍。嘗改為衛左右威衛。又嘗改左右豹韜衛。左右龍武將軍。平章事。參知政事。參知機務。同中書門下三品。平章軍國重事。節度使。採訪使。宣威懷化歸德等將軍。並武散。以授歸義等官也。

封爵

黃帝方制萬里為萬國各百里

唐虞夏建國凡五等曰公侯伯子男

殷公侯伯三等。公一百里侯七十里伯五十里

周公侯伯子男五等。公侯一百里伯七十里子男五十里。○周公居

憂改制大其封公五百里侯四百里伯三百里子二百里男百里

秦爵十二等。最高徹侯乃得食縣其次關內侯食租稅於關內餘十

八等大庶長以下則如吏職矣

漢國王國侯亭侯三等。○王皆裂地侯以戶數為差分人自此始。○漢

初論功封列侯者凡百四十三人食邑者除租每戶一歲更輸錢二百

後漢亦三等。○皇子封王其郡為國其列侯雖鄉冠元勳不過四縣

魏三公侯伯子男次縣侯次鄉侯次亭侯次關內侯凡十等。○關內侯

為虛封自此始又置名號侯爵十八級關中侯爵十七級。○亦有王公

侯伯子男又有開國郡公縣公郡侯縣侯伯子男及鄉亭關內等侯凡

十五等。○王大國二萬戶三軍兵五千次國五戶二軍兵三千下國五

千戶一軍兵千五百其公之制如五千戶國侯如不滿五千戶國並置

一軍千入其伯子男以下各有差不置軍

宋皆因晉制唯大小國皆二軍。○至孝武時凡國官屬不得稱臣於其

國改稱下官

齊因之梁因前代。定制諸王言曰令境內稱之曰殿下公侯言曰教

境內稱之曰第下皆自稱曰寡人相以下表疏如臣下不稱臣文書下

群官皆曰告

陳有郡王嗣王藩王開國郡公開國縣公侯伯子男沐食侯鄉亭侯開

國中關外侯凡十二等

後魏有王開國郡公散公侯散侯伯散伯子散子男散男凡十二等。○

王食半侯伯四分食一公三分食一子男五分食一

北齊有王公侯伯子男六等

後周有公侯伯子男五等

隋國王郡王國公郡公縣公侯伯子男九等

唐國王郡王郡公開國郡公縣開國公侯伯子男凡九等。並無其士加實封者乃給租庸自武德至天寶實封者百餘家自至德至大曆三年實封者二百六十五戶通典

宋制封國之差唐制王食邑五千戶郡王國公三千戶開國郡公三千戶縣公一千五百戶縣侯千戶伯七百戶子男五百戶又有食實封者戶給繖帛每賜爵過加一級唐末及五代始有特加邑戶而罷實封之給又去縣公封侯以郡宋朝沿其制文臣少卿監以上武臣副使以上內職崇班以上有封爵丞郎學士刺史將軍諸司使以上有實封但以增戶數為差不繫給邑過其爵則進爵止於開國公每加食千戶至二百戶實封六百戶至百戶皆六等親王重臣或特加有逾千戶者皇屬有特封郡公縣公或增侯者無開國字開寶以來伐國降及乃臣反命不誅者亦封侯皆因其名以見其罪焉

三等國

舊有大次小三等以為進封之叙然每或封拜又有權升次小國為大國者景德中詔分三等以為定制今著于後

趙楊承信封公。晉太宗封王丁謂封公。秦孟旭向拱封公廷美封王。齊廷美封王。魏武行德趙普馮拯並封公。韓真宗封王武行德王晏潘美曹利用封公。燕劉進封公。楚侯章封公元佐封王。越元馬封王。夏商周漢唐新

已上大國十八

衛劉銀趙贊封德崇封王張永德封公。鄭張昭封公。蔡曹元儼封公。許張從思趙普呂蒙正封公錢俶元祐封王。代潘美封公。徐元溥呂蒙正並封公。鄧張永德張耆並封公錢俶封王。岐陳洪進張旻封公。隋蜀承王彥超封公。邢宋偓封公。翼高懷德王欽若封公元馬封王。壽真宗封王。鄆曹利用封公。荆元儼封王。昇仁宗封王。雍元汾封王。穆梁揚新

已上小國二十四

江滕孟玄詰封王。向黃紀焦。向拱錢惟濬並封公。原弦邾。李洪義王溥並封公。俞耿舒。元儼封王。介道相。元儼封王。鄧蔣蕭。錢惟濬封公。郝譚霍夔萊。呂象正冠準並封公。鄒鄒芮薛鄒宮。崔彥進封公。郭羅部鄒戴桐遂管沈虞應息英任崇祭。元儼封王。扈濠密集安觀中。呂夷簡封公。號宿邾杞。陳洪進封公。賈鄒邾巴夷毅頰葉黎為蓼項晞邦茅肱庸畢滑部牟權甘祭尹溫毛樊成單劉華邵邾鄒衛南甯社呂皖留部鄒鄒焦宛鄒穰葉鄒縉劉費鄒部隴范程鄒鄒潛浩遼羸絳汲格軹營翁柁廣閩易定。元儼封王。錫純昌崔陸緇下綸。

已上皆春秋秦漢以來公侯

潞盧鄒房奕康沛邱彭。元儼封王。竇鄂鄒薊頴沂沔沂。王曾封公。肅岷瀛鄒鄒幸順渝耶蒲鄒豐

已上周唐以來封公

棟光儀懷求延盛濟信。元佑封公。襄。真宗封王。均陸升簡益

。元傑封公。忻韶嘉端。元儼降封王。循恭原雅通。元儼封王。

。虎資昭欽珍淑集和鄒衡會福岳表桂斬遭深洋建鄒瓊發茂衛瀘

昌慶。仁宗封公。吉景邾傅賀惠。已上唐及五代封王。夏。趙

德明封王自西平進封。蘇潭鎮。元儼封王。潤華。已上皇朝封

王

已上小國三百壽梁趙宋四國更不得封臣。景德三年詔會

右承議即李攸再編。國二百七十四

大國二十二

秦 魏 韓 燕 楚 晉 魯 陳 吳 越 夏 杲 商 周

漢 唐 冀 豫 兗 荆 雍 揚

次國二十一

衛 蔡 曹 代 徐 鄧 岐 隨 蜀 邠 邢 鄆 涼 潞

潭 蘇 鎮 益 廣 延 壽

小國二百三十二

江滕向黃紀譙原弦祁郇耿舒介道
相豐蔣蕭邠譚霍夔萊郇程邾芮薛
郇莒郭羅邠邠戴桐遂管沈虞應息
郇任崇榮扈濮密巢觀英號宿邾祀
賈郇邠巴申穀頰糜黎葛蓼項聃夷
茅肱庸畢邾年權甘邠尹温毛樊成
車劉鞏祭邠邠邠韋萑審杜呂皖郇郇
鄂郇焦宛郇穰葉留郇緡劇費繒郇
隴范邠邠潛浩遼羸絳汲禘軹營稼
閔易定邠邠洮昌翟陸緇卞綸盧翼郇
房褒康沛邠彭寶鄂鄴薊穎沔沂蕭
岷瀛邠邠莘順渝邠蒲鄴豐光儀懷
求盛濟信義涇襄均睦丹思簡忻韶
嘉端循恭愿雅通虔資昭欽珍淑集

和衡會福無表桂蘄澧深洋建邠
葵茂衢澶德昌慶古景郴傅賀惠岳
潤華沂棟滑安翕

群書考索卷十八

後集

群書考索卷十九

後集

山堂先生章俊卿編輯
建陽知縣區玉校刊

○官制門

文階類

宋朝沿唐制設文階而等級小異

唐階曰開府儀同三司從一品特進正二品光祿大夫從二品金紫光

祿大夫正三品銀青光祿大夫從三品正議大夫正四品上通議大夫

正四品下太中大夫從四品上中大夫從四品下中散大夫正五品上

朝議大夫正五品下朝請大夫從五品上朝散大夫從五品下朝議即

正六品上承議即正六品下奉議即從六品上通直即從六品下朝請

即正七品上宣德即正七品下朝散即從七品上從義即從七品下給

事即正八品上徵事即正八品下承奉即從八品上承務即從八品下

儒林郎正九品上登仕郎正九品下文林郎從九品上將仕郎從九品
下凡二十九宋朝舊階曰開府儀同三司特進以上宰臣使相階光祿
大夫紫金光祿大夫正奉大夫以執政階朝請大夫朝散大夫朝奉郎
宣德郎承事郎承奉郎儒林郎文林郎登仕郎將仕郎以上為京朝官
至侍從階凡十有五

元豐新制以階易官乃雜取唐及祖宗舊制而損益之定為二十四階號
寄祿新格

元豐三年詔中書令將使臺省寺監之官實典職事領空名一切罷夫
而易之以階因以制祿未幾官制以階易寄祿新格今具下項特進金
紫光祿大夫銀青光祿大夫光祿大夫正議大夫通議大夫太中大夫
中大夫中散大夫朝議大夫朝請大夫朝散大夫朝奉大夫朝請郎朝
散郎朝奉郎承議郎奉議郎通直郎宣徽郎宣義郎承事郎承奉郎承
務郎

元祐初三光祿正議中散朝議六階各分左右詞人為左餘人為右

元祐三年詔自今朝議中散正議光祿銀青光祿金紫光祿大夫並置
左右進士出身及帶職人轉至左朝議中散為二資餘人轉至朝議中
散為左右二字為四資以上各理七年磨勘其正議至金紫並分左右
字為八資應今官已及此者悉加之實錄
既而寄祿官並分左右

元祐四年三省言舊制京朝官以上各各分進士出身及餘人自改為
寄祿官並後一等改轉元差別除朝奉大夫以上置左右兩等外承務
郎以上至朝請大夫亦欲分左右兩等進士出身人加左字餘加右字
從之實錄元祐董正官制易其稱呼元祐間議者以為無以甄別流品遂
詞人加左字餘人加右字而著令將詞人有犯貪墨者去左而稱右庶
以為戒予時守江夏且以為詞人犯貪而稱右可以為戒然餘人合稱
右者得無耻乎又若餘人犯貪墨則復何以為戒也請應貪墨吏詞人
則去左餘人則去右此庶幾有別而有所懲書上不行豈朝廷法令事
有未安非外官所得與邪塵吏

紹聖罷之

紹聖三年詔寄祿轉正議大夫光祿大夫銀青光祿大夫分左右朝請大夫中散大夫亦仍舊存左右作兩資轉以分有無出身外餘並罷

崇寧初換選人七階

崇寧三年刑部尚書鄧洵武奏吏部選人自節察判官至主簿尉凡七等宜出自睿斷造為新名因而寄祿今擬下項留守節察判官為承直即掌書記支使防團判官為儒林即留守節察推官軍事判官謂之兩使職官為文林即防團軍事推官軍監判官謂之初等職官為從事即司錄錄事參軍縣令為通事即知錄事參軍為登仕即軍巡判官司理司戶司法簿尉為將仕即奉聖旨依旨國朝選人寄祿凡四等七資留守節察判官掌書記支使防團判官留守節察推官軍事判官為兩使職防團軍事推官軍監判官為初等職官司錄縣令知縣為令錄軍巡判官司理司戶司法簿尉為判司簿尉其陞遷之叙則自判司簿尉舉令錄令錄舉職官自職令薦書及格皆改京官不及格而有二薦書則

遷兩使職官謂之短般以勞叙賞謂之循資崇寧中鄧樞密洵武建言以為名實渾殺不正乃改令七等以待選人其一曰三京府判官留守判官節度觀察判官四色今日為承直即是也其二曰節度掌書記觀察支使今日為儒林即是也其三曰防禦團練軍事判官留守節度觀察推官今日為文林即是也其四曰防團練軍事推官今日為從事即是也其五曰縣令錄事參軍今日為從政即是也其六曰試階知縣知錄事今日為脩職即是也其七曰三京軍巡判官司理戶曹司戶法曹司法參軍主簿縣尉今日為迪功即是也祖宗朝以考第資歷無過失而或有勞績者逾遷謂之循資若磨勘應格自縣令錄參以上及六考者有出身皆改著作即無出身及七考者改大理寺丞其有功賞循資者減一考若未該磨勘循資者至支使及八考者有出身改太子中允餘改太子中舍其四色判官及九考以上者改秘書丞十二考以上者改太常博士無出身人止於殿中丞而已至仁宗朝議者悉以考第改官者其員猥多遂詔用帥臣監司通判保薦而以州縣多寡定數以歲

改百負為額元豐肇新官制稍鑄改官之格改觀察判官以上有出身
改奉議即無出身改通直即掌書記改通直即支使以下一例改宣德
即而以朝廷每以選人改官為重必命制誥近臣引對便殿上親閱其
人其歷任功過降旨改令入官或令改次等官或令更任一任回改官
不自廟堂進擬使此權專出主上也官制舊典

大觀初又置增宣奉正奉中奉奉直四階

大觀二年中書省檢會御筆寄祿官在神考時不分左右曩雖釐正猶
有存者若盡去之則序爵制祿等差終少人易以及今擬下項金紫光
祿大夫銀青光祿大夫光祿大夫舊繫右銀青光祿大夫宣奉大夫舊
繫左光祿大夫正奉大夫舊繫右光祿大夫通議大夫太中大夫中大
夫中奉大夫舊繫左中散大夫有出身人及帶職人更不轉中散奉直
大夫朝議大夫奉直大夫舊繫右朝議大夫奉聖旨依詔旨官制寄祿
銀青光祿大夫與光祿正議中散朝議皆分左右朝議中散有出身人
皆超右其餘並以叙遷大觀中予為中書舍人奉詔以為非元豐本意

下擬定釐正乃參取舊名以奉直易右朝議中奉易右中散通奉易右
光祿而左銀青光祿大夫正為光祿大夫遂為定制石林燕語

政和未改迪功備職從政三階

政和六年御筆假將仕即可去假字為將仕即假承務即承奉事即可
為通仕即舊將仕即為迪功即登仕即為備職即通仕即為從政即依
通為十階

而寄祿之制始備紹興舉行元祐之法亦分左右至孝宗特階官並去左
右焉

寄祿官

特進見職門從一品舊為左

銀青光祿大夫舊為五

金紫光祿大夫正二品舊為吏

光祿大夫從二品舊為左

秦即官令屬官有中大夫漢氏因之**武帝**太初元年更名光祿大夫秩

比二千石掌論議無員後漢因之**魏**以來諸公卿吉老多加其位晉

太始初分為左右光祿大夫皆為員宋因之**唐**六**南齊**左右光祿大夫

位從公開府置佐史如光祿大夫皆銀章青綬詔加金章紫綬者為金紫光祿大夫南齊百官志

又唐六典云魏晉有加金章紫綬者則謂金紫光祿大夫晉則金紫銀青左右四職並置又云晉有銀青光祿大夫王翹之則銀青非南齊始置今並載之

梁左右光祿大夫並無員以養老疾陳金紫光祿大夫中二千石後齊光祿大夫金紫銀青用人俱以舊德就閑者居之隋高祖左右光祿大夫金紫銀青光祿大夫並為散官以加文武官之德齊者並不理事職制唐為文散官宋朝舊階為執政階職元豐寄祿新格以階易官以吏部尚書為金紫光祿大夫五曹尚書為銀青光祿大夫左右丞為光祿大夫續會要

宣奉大夫大觀新置

正奉大夫大觀新置

正議大夫舊為六曹侍郎

通奉大夫大觀新置

通議大夫舊為給事中

太中大夫舊為左右

宣奉大夫

元豐新制未有此階大觀初改左光祿大夫為宣奉大夫

正奉大夫

元豐新制未有此階大觀二年改右光祿大夫為正奉大夫

正議大夫

隋煬帝置散官蓋取秦大夫掌論議之義通典宋朝元豐新制改六曹侍郎

即為正議大夫

六侍郎併作一等換正議大夫時論以宰執貪進官作此蓋故事承即作四轉今乃減作兩轉爾官制舊典

元祐寄祿習分左右紹聖罷分而正議大夫仍舊存左右作兩資轉大觀初改右正議大夫為通奉大夫而左正議大夫去左字為正議大夫

職

通奉大夫

元豐新制未有此階大觀初改右正議大夫為通奉大夫

通議大夫

隋煬帝置散官蓋取秦大夫掌論議之義也。宋朝元豐新制改給事中為通議大夫。職

太中大夫

秦太中大夫秩比千石掌論議。漢氏因之。梁班第十一秩千石。北齊從第三品。唐從散官。宋朝元豐新制改左右諫議大夫為太中大夫。神宗以寄祿官等級少遂以太中為宰相官蔡確時任右諫議大夫參知政事兌換太中大夫及拜相則依前太中大夫守左右僕射遂為定制。

官制

中大夫

自此以下甄別流品至詳。舊為秘書監

秦置中大夫。漢武帝太初元年改為光祿大夫。唐為散官。宋朝元豐新制改秘書監為中大夫。

秘書殿中監為一等。元豐三年偶闕任殿中監者故只署秘書監。神宗以太中大夫為宰相官故初除執政止授中大夫是時以翰林學

士蒲宗孟王安禮為左右二公寄祿官皆未至大夫遂除中大夫守

之官制

中奉大夫

大龜新制

中散大夫

舊為光祿卿至少府監

王莽所置。後漢因之。六百石無員。魏晉因之。齊職儀品第七。絳朝服進賢一梁冠班第十。陳秩千石。唐為散官。歟。宋朝元祐寄祿官皆分左右。詔左右中散大夫以二十員為額。紹聖罷分而中散大夫仍舊存。左右作兩資。轉大觀初改左中散大夫為中奉大夫。其右中散大夫去右字為中散大夫。

朝議大夫

舊為太常少卿左右司郎中光祿少卿

漢官儀大夫以上得奉朝議則其義也。隋文帝置為從三品散官。唐為正五品下。歟。宋朝元豐新制改太常至光祿少卿為朝議大夫。

少卿監左右司郎中等級最多一換之則清濁莫分。舊制從官為左右司郎中當遷者左司轉左諫議大夫右司轉右諫議其太常少卿

若自吏兵部郎中轉到者遇時旨轉行亦遷右諫則是朝議轉太中也崇寧以前從官自轉朝議直轉中大夫乃用元豐故事以中大夫為執政官比舊制太中大夫自增中奉大夫遂用細轉乃由當時執政不知典故爾至廢僚職方郎中轉光祿少卿駕部郎中轉司農少府或將作監次遷衛尉卿則是有出身者三遷至祕書監無出身者五遷至殿中監皆中大夫也近制增中奉大夫奉直大夫兩等乃合舊制官制舊典

元祐三年詔左右朝議大夫以五十員為額

奉直大夫

元豐新制未有此階元祐寄祿官皆分左右哲宗罷分而朝議大夫仍舊存左右作兩資轉大觀初改右朝議大夫為奉直大夫詔有出身及帶職人更不轉中散奉直大夫政和中詔朝議奉直大夫今後共以八十員為額

朝請大夫舊為前行郎中

漢將軍公卿年高德重者以列侯就第特進奉朝請之義

大唐因之通宋朝元豐新制改六曹前行郎中為朝請大夫

朝請大夫換前行郎中朝散大夫換中行郎中朝奉大夫換後行郎中故事曹名雖轉正郎亦不呼郎中只稱曹名以示其出常調也自改大夫更無別焉官制舊典

朝散大夫舊為中行郎中

隋置散官大唐因之宋朝元豐新制改六曹中行郎中為朝散大夫

朝散大夫舊為後行郎中

宋朝元豐新制改六曹後行郎中為朝奉大夫職

朝請郎舊為前行員外郎

隋置散官蓋採晉宋齊梁陳並有奉朝請員為名通唐朝因之宋朝元

豐新制改六曹前行員外郎為朝請郎

朝請郎換前後員外郎朝散郎換起居舍人及中外員外郎朝奉郎換左右司諫及後行員外郎此三等階混殺尤甚舊制狀元登第初

為將作監求一兩遷右司諫次轉起居舍人兵部員外郎三人及第并制科歷一任回自太常博士遷祠部度支司封員外郎進士出身自大常博士屯田都官職方員外郎世賞自國子博士轉虞部駕部員外郎雜流自國子博士轉水部司門庫部員外郎祖宗不以名器假人故命以別之也官制舊典

朝散郎舊為中行員外郎起居舍人

隋文帝置通典唐因之宋朝元豐新制六曹中行員外郎及起居舍人為

朝散郎

朝奉郎舊為後行員外郎左右司諫

宋朝元豐新制改六曹後行員外郎及左右司諫為朝奉郎

承議郎舊為左右正言太常國子博士

隋煬帝置唐因之六宋朝元豐新制改左右正言太常國子博士為承

議郎

承議郎換左右正言太常國子博士舊制初除知制誥及待而官未

至員外郎即除右正言狀元自著作即亦除左正言若有出身入等

遷太常博士餘人遷國子博士易階官後清濁無別矣官制舊典

奉議郎舊為太常秘書殿中丞著作郎

隋文帝置通議郎唐改奉議郎通宋朝元豐新制改太常秘書殿中丞

為奉議郎

奉議郎換三丞及著作郎舊制前名自太子中允太常丞著作郎遷

秘書丞大理寺丞遷殿中丞狀元自將作監丞遷著作郎無出身自

贊善中舍洗馬皆遷殿中丞以上皆號大朝官官制舊典

通直郎舊為太子中允贊善大夫洗馬

隋置通直郎蓋採晉以來諸官皆有通直郎謂官高下而通為宿直

者也因此為名唐因之宋朝元豐新制改太子中允左右贊善大夫中

舍洗馬為通直郎

通直郎換太子中允贊善中舍洗馬號小朝官舊制初擢用京官選

人為經筵官及其除中允若擢轉運判官則前除中允無出身

人除贊善者叙遷則有出身人轉中舍宰執奏補者轉贊善維流轉
洗馬蓋有以別之自改官制後初除待制以上而官未歷陞朝者並
改通直郎及做舊帶除正官耳官制舊典

宣教郎

舊為米祿衛尉寺丞將作監丞游騎尉

隋置散官唐改為宣義郎蓋取梁宣義將軍之名通典宋朝元豐新制改
光祿衛尉丞作監丞為宣義郎

宣義郎換光祿衛尉寺丞將作監丞舊制凡前名自太祝奉禮轉官
選人改次等官皆遷光祿寺丞餘人大理評事自太祝轉官遷光祿
寺丞奉禮轉者及選人改次等官皆遷衛尉寺丞官制舊典

承事郎

舊為大理評事

隋煬帝置徵事郎唐因之大典宋朝新制改大理評事為承事郎

承事郎換大理評事舊制凡前名授書正字主簿皆轉大理評事登
科甲者命官亦如之熙寧末狀元方除評事餘人自太祝奉禮遷者
皆轉評事宰相任子亦如之官制舊典

承奉郎

舊為太常寺大祝奉禮郎

隋文帝置典唐因之宋元豐新制改太常寺太祝奉禮郎為承奉郎
承奉郎換太祝奉禮郎舊制執政任子為太祝其用宰執恩澤轉者
遷大祝用侍從恩澤轉者遷奉禮郎官制

承務郎

舊為秘書省校書郎正字將作監主簿

唐置蓋因隋尚書二十四司承務郎之名通典宋朝元豐新制改秘書省
校書郎正字將作監主簿為承務郎

承務郎換校書正字監主簿制前執政任子校書郎學士任子為正
字諫議待制任子為將作監主簿官制舊典

承直郎

崇寧初以選人七等造為新名改留守節察判官為承直郎從鄧洵武
之請也

儒林郎

唐置前史有儒林傳之名取其義也大典宋朝崇寧新制改節察掌書記

支使防團判官為儒林郎

文林郎

唐置取元齊文林館徵文學之士以充之宋崇寧新制留守節察推官軍事判官為文林郎謂之兩使職官

從事郎

崇寧新制改防團軍事推官軍監判官為從事郎謂之初等職官

從政郎

宋崇寧新制改司錄為錄事參軍縣令為通仕郎政和中御筆改通仕郎為從政郎

備職郎

宋崇寧新制改知錄事參軍知錄事為登仕郎政和中御筆改登仕郎為備職郎

迪功郎

宋崇寧新制改軍巡判官司理司戶司法簿為將仕郎政和中御筆

改將仕郎為迪功郎

群書考索卷十九

畢

後集

群書考索卷二十

後集

| | | | | | | |
|---|---|----|---|---|---|----|
| 山 | 堂 | 先生 | 章 | 俊 | 鄉 | 編輯 |
| 建 | 陽 | 知 | 縣 | 區 | 玉 | 校正 |
| 縣 | 承 | 管 | 韶 | 同 | 校 | |

。官制門

武階類

宋朝沿唐舊制武選之稱自內客省使至閤門使使各有副為橫行自皇城使至供備庫使為諸司正使自皇城副使供備庫副使為諸司副使自內殿承制至三班借使為使臣元豐肇正文階而武階猶未及改元豐蓋正官制如武臣易將軍校尉之號竟獨依舊不復更定史

政和初一切易以新名正使為大夫副使為郎橫行十二階正副亦然是以有郎居大夫之上者其後以新名未足又增置宣正履正協忠羽衛親衛大夫郎通為橫行

政和六年御筆官爵以待勞能今興事造功能者輩出而官名未及
何以寵獎多士可增下項右武左武拱衛親衛翊衛中衛中亮中侍
協忠履正宣正三侍大夫通舊依此即亦知之唯不置通侍
紹興雜壓登正其序即皆在大夫之下云聖朝

太尉見便

橫行十三階

通侍大夫舊為內客省使政和新制宋朝內客省使未嘗除人自易武階詔不置

通侍蓋遵祖宗之意也

正侍大夫舊為延福宮使政和新置

宣政大夫 政和初易武階未有宣政大夫續增置焉

履正大夫 政和續增置

協忠大夫 政和續增置

忠侍大夫舊為景福殿使政和新制以景福殿使為之

忠亮大夫舊為客省使政和新制

忠衛大夫舊為引進使政和新制

翊衛大夫 政和續添置

親衛大夫 政和續增置

拱衛大夫舊為四方館使政和新增

左武大夫舊為東上閣門使政和新制

右武大夫舊為西上閣門使政和新制

舊諸司使八階

武功大夫舊為皇城使政和新制

武德大夫舊為宮苑左右使政和新制

武顯大夫舊為左藏庫使政和新制

武節大夫舊為左藏庫使政和新制

武畧大夫舊為內園使政和新制

武經大夫舊為西京使政和新制

武義大夫舊為西京使政和新制

武義大夫舊為西京使政和新制

武翼大夫舊為使

舊橫行副使

正侍郎舊在右武大夫之下右武即舊在武功大夫之上紹興始釐正焉

十二階

正侍郎宣正即履正即協忠即中侍郎俱政和續增置

忠亮即舊為客政和新制

忠衛即舊為引政和新制

翊衛即親衛即政和續增

拱衛即政和新制以四方館使為拱衛大夫而四方館舊無副使續置拱

衛即

左武功即舊為東政和新制

右武功即舊為西政和新制

舊諸司副使八階

武功即舊為皇城副使政和新制

武德即舊為宮苑使左右驂副使政和新制

武顯即舊為左藏庫副使東作政和新制

武節即舊為文思副使政和新制

武容即舊為內園副使政和新制

武經即舊為西京副使政和新制

武義即舊為西京副使政和新制

武翼即舊為西京副使政和新制

小使臣十二階

訓武即舊為內殿承制

從義即舊為東頭

忠訓即舊為左

成忠即舊為左

承節即舊為三

脩武即舊為內殿承制

秉義即舊為西頭

忠翊即舊為右

保義即舊為右

承信即舊為三

進武校尉舊為三班差使

進義校尉舊為三班差使

已上政和新制

太史局類

太史令

三代各有太史秦有太史令胡毋敬秦漢以來太史之任兼成周太史
馮相保章三職通典漢司馬談父子相繼為太史令遷云文史星曆近乎
卜祝至宣帝時脩撰之職以他官領之此語見通典中書令史官門於是太史之
官唯知占候而已典六典史通通

又史通曰自古太史之職雖有著述為宗而兼掌曆象日月陰陽氣
數司馬遷既沒後之續史記者褚先生劉向馮商楊雄之徒並以別
職來知史務於是太史之署非復記言之司故張衡單賜王立高堂
隆等其當官見稱唯知占候而已

故後漢百官志曰太史令掌天時星曆而不及史掌晉太史令品第七
江左以他官兼領

六典注云高瑩以侍中陳卓以義興守吳道欽以殿中侍衛史兼領

宋齊梁陳同隋秘書省太史曹置令二人煬帝改曹為監唐因之武德

改為太史局龍朔改秘書閣為光宅改渾天監又曰渾儀監長安復曰

太史局景龍曰太史監景雲又為局典六掌察天文稽曆數凡日月星辰

風雲氣色之異率其屬而占每季錄祥青送門下中書省紀于起居注

歲終上送史館歲頒曆于天下唐百官志。宋朝因梁曰司天監或以他官

兼判又有同判之名以朝官充

兩朝國史志云監及少監闕則置判監事二人以五官正以上充與

分紀同

掌察天文祥異鐘鼓刻漏稽定曆數供諸壇祭祀神位版畫日兩朝元

豐官制行改為太史局有令有判局有同判局選五官正以上業優考

深者二人為判及同判掌占天文及風雲氣候凡祥異之事自其所占

以聞歲一頒曆則造進御覽祭祀婚冠喪葬則擇所用日政和因仍無

所改其別局有天文院鐘鼓院測驗渾儀刻漏所印曆所皆主占驗曆

考索後集卷二十一 官制 月

法續會

太史正

國初司天監無正元豐官制行太史局置正太史令總一局之事而正與丞為之貳

五官正

唐乾元三年置春官夏官中官秋官冬官正各一人掌司四時各司其方之變異唐職志宋朝設五官正至道中詔五官正磨勘至殿中丞止以後只加檢校官元豐無改所掌與唐同

太史丞

漢太史有丞一人秩二百石魏晉宋齊皆同六典隋置二人煬帝減一人唐初不置久視改渾儀監始置丞二人長安省景龍復置六典宋初司天監有丞元豐官制行置太史局丞續會太史令總一局之事而丞為之貳

太史局直長

宋初司天監無直長元豐改太史局有直長自直長至今十年一遷續會要元祐官品直長從八品

靈臺郎

後漢太史下別有靈臺丞掌靈臺云掌候日月星辰後漢百官志魏太史有靈臺丞主候望郎隋有天文博士唐初因之長安二年改為靈臺郎乾元元年改五官之名欽宋初司天監有靈臺郎慶曆詔十年遷元豐雖改太史局有靈臺之名如故惟試中乃遷會

保章正

周禮春官太史屬有保章氏秦漢以來無其職後周春官府置太史其屬有保章上士中士即其任也至隋置曆博士唐長安四年改曆博士為保章正掌教曆生乾元元年加五官之名六典宋初司天監有保章正慶曆五年詔保章十年一遷官元豐改太史局而保章正如故掌曆法及測景分至表準五年一遷官會

學童正

周制夏官有挈壺氏秋官有司審氏春官雞人氏凡三職咸掌其事自漢以後太史掌之唐長安四年始置挈壺正掌知刻漏孔壺為漏渚箭為刻以考中星昏明之候乾元元年加五官之名六宋初司天監有挈壺正元豐改太史局而挈壺正如故太史局官有五年一遷者十年一遷者有試中而遷者惟挈壺正無遷法會

醫官類

和安成和成安成全大夫舊為軍保和大夫舊為西保安大夫舊為推翰林良醫舊為翰林和安成安成和成全舊為軍器保和即綏錦副使保安即舊為推翰林醫正舊為翰林翰林醫官翰林醫效翰林醫痊翰林醫愈翰林醫證翰林醫診翰林醫候翰林醫學舊諸司使副有醫官使及副使蓋自太醫丞直院轉醫官副使叙遷年格一同武官但為東班使類耳謂自法酒庫以上至皇城使政和初既易武階而醫官之名亦遂為凡十有四階立和安大夫視權

易使以上翰林良醫視醫官使其和安即以下視東副使若醫官副使則以翰林醫正易之

官制舊典云此名皆大臣所撰無所稽據傳白登高蘇賦可以為大夫今乃以雜流為之可見當時大臣之不學也

舊額和安大夫至良醫二十員紹興二年五員和安即至醫官元額三十員紹興二年四員醫効元額七員紹興二員醫痊元十今一員醫愈至祇候大方脉元額百五十員紹興十五員而已中興會要

后妃內官命

帝嚳有四妃以象后妃四星

其一明者為正妃餘三小者為次妃

帝堯因焉

舜不告而立正妃但三妃而謂之夫人

離騷所歌相夫人舜妃也

夏后氏增以三三而九合十二人。春秋說云天子娶十一女即夏制

也

殷入又增以三九二十七合三十九人

周人法帝魯立正妃又三九二十七為八十一人合百二十一人其位

后也夫人也嬪也世婦也女御也五者相三以定尊卑焉以所云。故

禮曰古者天子后立六宮三夫人九嬪二十七世婦八十一御妻以聽

天下之內治

天子立六官三公九卿二十七大夫八十一元士以聽天下之外治

並通

漢興因秦之稱號帝母稱皇太后帝祖母稱太皇太后正嫡稱皇后妾皆

稱夫人又有美人良人八子七子長使少使婕妤武帝加置嬪武帝加置容

華充衣武帝加置昭儀元帝加置五官順常儻消共和娼孟寶林良使夜者上家

人子中家人子前漢外戚傳

後漢皇后紀論曰后正位宮闈同體天王三夫人坐論婦禮九嬪掌教

四德世婦主知喪祭賓客女御亭于王之燕寢頒官分務各有典司女

史彤管記功書過石有保阿之訓動有環佩之響所以能述宣陰化脩

成內則閨房肅雍險謁不行者也光武悉闕此號唯皇后如舊有貴人

貴人金印紫綬。美人宮采女皆無祿秩四時賞賜而已

漢法常因八月筭民遣中大夫與授廷丞及相工於洛陽鄉中闕視

良家童女年十三以上姿色端麗載還後宮擇視可否紀分

魏武帝因西漢置夫人昭儀婕妤容華美人文帝增置貴嬪一人並位

后淑媛脩容順成良人明帝又增淑妃昭華脩儀次位夫人以下爵凡士

二等

唐后妃傳唐自隋制皇后之下有貴妃淑妃德妃賢妃並為夫人昭儀

昭容昭媛脩儀脩容脩媛充儀充容充媛為九嬪婕妤九人美人九人

才人九人寶林二十七人御女二十七人其餘六尚諸司分典乘輿服

御元宗以后下復有四妃非是乃置惠麗華三妃以代三夫人又置六

儀四美人七才人而尚宮尚儀尚服各二人參合前號大抵踵周官相

損益云紀分

宋朝沿唐制置貴妃淑妃德妃賢妃此古之所謂四妃佐皇后論婦禮於內者也秩視三公恩同宰相累朝多闕元豐絕有二員政和後冊妃至六七人次有九嬪秩視六卿次有婉容婕妤恩比侍從宮女有貴人才人美人郡君皆有閣分恩各有差而以時御于帝所若受帝社生男則遷兩等生女則遷一等遇覃恩方緊進一官故於叙遷甚艱祖宗惜名位雖於內寵未嘗用私恩官制

又云至和嘉祐間嬪御久不得遷屢有干請上答以無典故又上笑荅汝不信試與降旨政府遂執奏無法或有只請御筆進官者上取彩牋戲書云某官某氏特轉某官至給奉時各出御書請增祿有司不敢遵用退復訴於上前上笑以遣之咸服仁宗之聖斷其禁中執事六次者封郡國夫人其速事兩朝若乳保至尊則進封四加國號保聖焉

明道初以仁宗母順容李氏為宸妃宸妃之號惟此一見焉乾興末初仁宗即位尊淑妃楊氏為皇太妃元豐末哲宗即位尊德妃朱氏為皇

太妃太妃之號前後再見焉職

外命婦類

三代之制諸侯之婦曰夫人大夫曰孺人士曰婦人庶人曰妾公侯有大夫有世婦有妾有妾邦君之妻君稱曰夫人夫人自稱於天子曰老婦自稱於諸侯曰寡小君自稱於其君曰小童邦人稱之曰君夫人自此婦以下自稱曰婢子此言凡婦人無爵從夫爵坐以夫之齒至漢始有封君之號公主者邑司之制元壽七年始令列侯太夫人夫人無得擅徵捕唐外命婦制

皇后妃嬪及太子良娣以下為內命婦公主及王妃以下為外命婦也

諸王母妻及妃文武官一品國公母妻為國夫人三品以上母妻為郡夫人四品母妻為郡君五品母妻為縣君散官同職若勳官四品有封母妻為鄉君其母邑號皆加大字視天子之品禮宋朝舊制外命婦有國夫人郡夫人郡君縣君之號初以為此特沿五代之制且非婦道也乃別造新名以命之

政和二年蓋古者妻隨其夫之爵國家承襲五代或有未革今命婦猶列郡縣以稱君蓋非婦道又等級既少輕重不倫可改依下項武臣準此事見詔旨

說政以上封夫人

太師太傅太保左丞相右丞相少師少傅少保主樞密使開府儀同三司封國夫人知樞密院事參知政事同知樞密院事樞密副使簽書樞密院事特進太尉太子太師太傅太保觀文殿大學士太子少師少傅少保金紫銀青光祿大夫光祿大夫左右金吾衛上將軍左右衛上將軍節度使封郡夫人

尚書以上封淑人

御史大夫觀文殿大學士資政保和殿大學士六曹尚書翰林學士承旨翰林學士資政保和端明殿學士龍圖天章寶文顯謨徽猷敷文閣學士

侍郎以上封碩人

左右散騎常侍權六曹尚書御史中丞開封府戶六曹侍郎樞密直學士龍圖天章寶文顯謨徽猷敷文閣直學士宣奉正奉正議通奉通議大夫左右驍衛以下諸衛上將軍殿前都指揮使承宣使太中大夫觀察使入內內侍省內侍省都知帶造郡團練使以上政和殿中監大司農

太中大夫以上封令人

太子賓客掌事給事中中書舍人殿前副都指揮使左右諫議大夫權六曹侍郎樞密都承旨保和殿待制龍圖天章寶文顯謨徽猷敷文閣侍制太常宗正卿秘書監中大夫七寺卿中奉中散大夫防禦團練使左右金吾以下諸衛大將軍入內內侍省內侍省副都知押班帶造郡團練使以上政和大司樂殿中少監

中散大夫以上封恭人

通侍大夫馬軍都指揮使副都指揮使安軍都指揮使副都指揮使國子祭酒太常宗正少卿秘書少監正視宣正履正協忠忠侍忠亮大夫

太子左右庶子中衛翊衛親衛拱衛左武右武大夫諸州刺史駙馬都尉集英殿備撰七寺少卿朝議奉直大夫八內內侍省內侍省都知武功至武翼大夫帶通郡團練使以上宣政使政和典樂朝奉大夫以上並封宜人

中書門下省檢正諸房公事尚書左右司郎中右文殿備撰國子司業少府將作軍器監都水使者太子少詹事左右諭德八內內侍省內侍省副都知押班樞密承旨樞密副都承旨起居郎起居舍人侍御史尚書左右司員外郎樞密院檢詳諸房文字祕閣備撰開封少尹尚書六曹郎中開封府判官推官直龍圖閣朝請朝散朝奉大夫管客省四方館閣門公事武功至武翼大夫帶通郡刺史武功至武翼大夫政和辟雍司業知引進司公事

朝奉郎以上封安人

直天章閣殿中侍御史左右司諫正言符寶郎內符寶郎正侍宣正履正協忠忠侍忠亮忠衛翊衛親衛拱衛左武右武郎樞密副承旨尚書

六曹員外郎同管客省四方館閣門公事樞密院諸房副承旨直寶文閣開封府司錄參軍事朝請朝散朝奉郎少府將作軍器監監察御史和安成和成安成全平和保安大夫諸衛將軍著作郎武功至武翼郎政和簽書引進司公事殿中丞

通直郎以上封孺人

直顯謨徽猷敷文閣承議郎翰林良醫和安至保安郎翰林醫官直秘閣左右郎將奉議郎太常宗正祕書丞大理正太史局令判太醫局閣門舍人宣贊舍人翰林醫效醫痊太子左右衛司禦清道監門率府率七寺丞祕書郎著作佐郎國子監丞諸王宮大小學教授國子博士大理司直評事敷武郎通直郎備武郎政和直翰林醫官局太醫丞太常博士祕書省主簿辟雍丞

群書考索卷二十一

畢

後集



